

Nzima - Yelema Nyamenle Edwɛkɛ - Wives Scriptures

Efesseema 5:22-24 Yelema, bɛha bɛ nwo aze bɛmaa bɛ hu mɔ, kɛmɔ bɛye bɛmaa Awulæ la. 23 Oluakɛ kunli ne a lɛ tumi wɔ o ye anwo zo a, kɛmɔ Kelaese lɛ Asone ne azo tumi la; asone ne a le Kelaese sonlabaka ne yɛɛ Kelaese a le asone ne Ngoaniedievole a. 24 Zɔhane ati yelema ɛha bɛ nwo aze bɔkɔɔ ɛmaa bɛ hu mɔ, kɛmɔ asone ne yɛ maa Kelaese la.

Efesseema 5:31,33 Nyamenle Edwɛkɛ ne se, "ɛhye ati nrenya bagyakyi o ze nee o nli na yeava o nwo yeabeta o ye anwo, na bɛ mu nwɔ bɛayɛ menli nwɔ mɔɔ le nwonane ko a." 33 Noko ɔwɔ ke kunli biala kulo o ye ke ɔdaye o nwo, na yele biala noko di o hu eni.

1 Kɔlentema 7:3-5 Wɔ nla nu, ɔwɔ ke nrenya biala ye mɔɔ feta ke kunli ye la maa o ye, na yele noko ye zɔhane ala maa o hu. ɔwɔ ke bɛ mu nwɔ besoso bɛ nwo. 4 Yele ɛnle tumi wɔ ɔdaye ye nwonane ne azo, o hu a lɛ nwɔlɛ tumi a; yɛɛ kunli ɛnle tumi wɔ ɔdaye ye nwonane ne azo, o ye a lɛ zolɛ tumi a. 5 Bɛmmabɔ bɛ nwo abolɛ, kyesɛ bɛ mu nwɔ bɛdumua bɛkponle zolɛ ke bɛye ye zɔhane na bɛanyia alagye bɛazɛlɛ; nzinlii bɛzia bɛyia nu bieko, amaa yeamba ye ke bɛangola bɛ nwo sɔ la ati Seetan azɔ bɛ anlea.

1 Kɔlentema 7:34 Zɔhane ati ye adwenle ne ɛhye nwɔ. Raale mɔɔ bɛtegyale ye la dwenledwenle Awulæ gyima ne anwo, ɔluakɛ ɔkpondɛ ke ɔtu ye sonlabaka ne nee ye ɛkɛla ne ɔmaa Nyamenle; na awuvole raale dwenledwenle ewiade ninyene nwo, ɔluakɛ ɔkpondɛ ke ɔmaa o hu anye die.

Kɔlɔsaema 3:18 Yelema, bɛha bɛ nwo aze bɛmaa bɛ hu mɔ, na mɔɔ Kelaese ɛdoavole biala ɔwɔ ke ye la ɛne.

1 Temôte 2:11-15 Mraale ɛyɛ koonwu, ɛbɛlɛ bɛ nwo aze ɛzukoa. 12 Memmaa adenle ke mraale ɛhilehile anzɛɛ ɛnyia mrenya nwo zo tumi; ɔwɔ ke bɛka bɛ nloa bɛto nu. 13 Oluakɛ bɛlumuale bɛbɔle Adam kolaa na bɛabɔ Yivi; 14 yɛɛ tɛ Adam a ɛwɔlɛ ne bɛlɛbelale ye a. Raale ne a ɛwɔlɛ ne bɛlɛbelale ye mɔɔ ɔdonle Nyamenle mɛla ne a. 15 Noko saa raale ka o nwo aze, ɔbɔ mɔdenle ɔtɛnla diedi, ɛhulolɛ nee anwondelɛ nu a, ɔluu mraale ɛwɔlɛ ti bɛkɛlie ye ngoane.

Mɔlebebo 3:16 Akee ɔzele raale ne kɛ, "Mebamaa woade nyane kpale wɔ awole nu; ɛbade nyane wɔ wɔ rale ɛwɔlɛ nu, noko ε nwo balɔ ε hu na yeazie wɔ."

1 Pita 3:1-6 Bɛmɛ nwuvole mraale, bɛbɛlɛ bɛ nwo aze bɛmaa bɛ hu mɔ, amaa nuhua mɔɔ o hu ɛnlie Nyamenle Edwɛkɛ ne ɛnli la, bɛalua bɛ nyɛlɛ zo bɛahwe ye bɛarele Nyamenle, mɔɔ ɔnrɛhyia ke bɛkɛha

edwɛkɛ kρɔkɛ ko bɔbɔ a, 2 ɔboalekɛ bεbanwu bε nwo enililɛ nee bε anwondelɛ wɔ bε nyɛlɛe nu. 3 Bɛmmafa ninyɛne mɔɔ le kε bε ti εyεlɛ, mgbɔba, agudeɛ anzɛɛ ndanlɛ ngenlɛma εhedalɛ bɛsiezie bε nwo kε bɛfa bεamaa bε nwo aye fɛ. 4 Bɛmaa bε nyamenlezo anwofɛlɛko ne mɔɔ wɔ bε nu la εvinde. Nyamenlezo anwofɛlɛko εhye vea bε ahonle ne mɔ anu, na yemɔ a le bε bɛtɛeyɛlɛ nee bε koonwuyɛlɛ subane ne. εhye a le kɛnlɛma na ɔsɔ Nyamenle anye a. 5 ɔluakɛ mraale mɔɔ dule bε nwo manle Nyamenle wɔ mekɛ mɔɔ εze εhɔ na bɛnyianle anyelazo wɔ Nyamenle anu la adenle mɔɔ luale zɔlɛ zieziele bε nwo la a le kε bɛhanle bε nwo aze bɛmanle bε hu mɔ. 6 εnne kε Sɛla de la εne; ɔyɛlɛ tieyɛ ɔmanle ɔ hu Ebileham na ɔvɛlɛle ye ɔ menle. Kɛkala, saa bɛbɔ εbɛla kpale na bɛammaa debie biala anwunlonwunla bε a, bɛle ɔ mra mraale.

Taetɛse 2:1-5 Na wɔmɔ, ɔwɔ kε εkilehile diedi ne mɔɔ le saanwu la. 2 Kilehile mrenya mgbanyinli ne mɔ maa bεyε bε nye gyɛlɛmgbɛɛnye, bɛdwenle, bɛzie bε nwo diinyi, bɛmaa bε diedi εyε nla, na bɛnyia εhulolɛ nee abotane. 3 Zɔhane ala noko yεɛ maa mraale mgbanyinli ne mɔ εnwu ye na bɛbɔ εbɛla mɔɔ kile kε bɛze Nyamenle la a. Bɛmmayɛ ngunzi anzɛɛ bɛmmayɛ bε nwo akɛlɛ bɛmaa nza. ɔwɔ kε bɛkilehile mɔɔ le kpale la, 4 amaa bɛahola bɛatete mbɛlɛra ne mɔ bɛammaa bɛahulo bε hu mɔ nee bε mra. 5 amaa bɛanwu nrɛlɛbε, bɛazie bε nwo diinyi, bɛayɛ atiakunlukɛnɛma, bε nwo ade saanwu, na bɛayɛ yelɛma kpale mɔɔ tie bε hu mɔ ane a, amaa awie anga Nyamenle edwɛkɛ ne anwo edwɛkɛ εtane.

1 Kɔlentɛma 11:5-7,10 Raalɛ biala noko mɔɔ εlɛyɛ nzɛlɛlɛ anzɛɛ εlɛka Nyamenle edwɛkɛ na yeangeda ɔ ti zo la gua ɔ hu anyunlu aze; ngakyile biala εnle ye nee raalɛ mɔɔ bɛkpa ɔ ti la avinli. 6 Saa raalɛ ne εnrɛheda ɔ ti zo a, εnne ɔwɔ kε ɔpereɛ anzɛɛ ɔkpa ɔ ti enrɛnli ne. Na saa ɔyε ye zɔhane na ɔyε ye anyiemgba a, εnne noko ɔwɔ kε ɔkeda zo. 7 ɔnle kε nrenya keda ɔ ti zo, ɔluakɛ nrenya da Nyamenle su ne nee ye anyunlunyia ne ali, 10 Zɔhane ati, ɔlu a nrewuma soanvolɛma ne mɔ ati, ɔwɔ kε raalɛ biala keda ɔ ti zo.

Mrɛlɛbule 12:4; 14:1; 19:13; 21:9,19; 25:24; & 27:15,16 - contentious & angry Yelɛma.

Mrɛlɛbule 31:10-31 - The Virtuous Yelɛma.